

文淵閣

影印

四庫全書

影印

文淵閣四庫全書

第五八六冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

欽定盤山志
卷首

清 蔣 溥等奉敕撰……一

西湖志纂
卷首

清 梁詩正
沈德潛等撰……三三七

欽定四庫全書

史部

欽定盤山志

御製序 目錄

卷前一至五

詳校官太僕寺少卿_臣李廷欽

編修_臣程嘉謨覆勘

總校官編修_臣王燕緒

校對官編修_臣吳舒帷

謄錄監生_臣薩龍光

欽定四庫全書

御製盤山志序

向於雍正年間奉

命敬謁

景陵往來薊野田盤山色宜人蓋蓄於目且沃於心矣而

以程期惟謹訖未登臨因索智朴志書讀之嗤其意求

博而辭失冗夫耕問僕織問婢山經地志文士之事彼

方外流拘名象而濫砥砭者何為哉踐阼以後勅幾勤

欽定四庫全書

御製序

政日不暇給閱四年而後一往遊焉及一遊則峯之秀

泉之清松之蒼石之說日往來於吾懷是猶未見君子

怒如調飢亦既見止我心則夷矣嗣是規地建園施金

葺寺蹟之廢者日以舉境之幽者日以出上

陵迴鑒每憩止焉夫山川顯晦時有定數而必待人以彰

不數年之間使田盤改觀者余也而顧茲寰宇風未臻

乎唐虞歲未餘乎三九惡焉抱愧者亦余也志盤山而

請序者其亦同余此心也耶

乾隆二十年歲在乙亥春正月朔之四日御製并書

欽定四庫全書



欽定盤山志
御製

二

臣等奉

勅纂修盤山志告竣恭呈

睿鑒臣等謹奉

表恭

進者伏以

璿圖協運清都啓羣王之書

寶錄凝庥冊府播名山之籍惟興雲降雨千古鍾奇遂

欽定四庫全書

欽定盤山志
進表

范水模山一編志勝樂

宸遊于靈囿第嘉頌于卷阿竹素垂光林泉煥采竊惟

莫六子之位良以成言宣萬物之功山為積德七

十有二詳其世祇傳玉檢金泥五千三百紀其名

何處璿房瓊室圖稱益地貢自瑤池嶽有真形攜

來漢殿稚川之志幕阜世仰淵微景式之記廬山

語徵典則洵乎含氣布澤之所端賴纂言紀事之

篇峻兮田盤顯由魏史溯田子春之高蹈塞近盧

龍讀鄺善長之遺書水垂素練千巖堆翠昔年曾
士馬屯雲一壁凌空今世則烟霞近日補山師之

籍志乘虛傳備

祕府之藏編摩敢後欽惟

皇帝陛下

德符藩哲

運啓文明

法健順于乾坤

欽定四庫全書

欽定四庫全書
進表

合靜動于山水

翠華遙蒞則翕河喬嶽悉入懷柔

雲罕近臨而陟嶽在原適諧情性謂山名四正饒嶺

岫之鬱盤地本徐無望烟嵐而修阻躋度上臨乎

箕尾版圖舊隸于幽燕二千仞塔影雲光勢臨大

野百餘里泉聲樹色脈隱太行雖磴道苔封古蹟

久存髣髴而山容黛展傳聞可任乖誣爰

命諸臣俾修新志崇階拜手承

睿訓之喬皇小閣濡毫綜羣言以商榷時逾數月體具

十門夫其境接空同

祖武曾希于軒后壤通遼海

皇猷乃邁于唐宗結棟牖之松雲時承

慈豫瞻巖崖之丹翠齊煥

宸章宜冠簡編以存體要于是擬嘉陵之畫壁景各為

圖摹輞水之標題圖皆有說其他繪事所未及悉

歸名勝為旁羅日耀璇題建置則梵宮尤備名書

欽定四庫全書

欽定四庫全書
進表

金管流寓與方外偕登有美藝文首先賡頌香分

蠹簡雲霞之思依然雨洗苔碑金石之聲猶在譜

昇平之景象物且滋豐紀歲月之絲長事存雜俎

亦稍陳其大概聊有裨于多聞舊以成編庶乎克

備發凡起例曾經

乙夜之觀援古証今用賁酉山之籍力加點竄去舊

本之繁蕪共事校讐掃傳聞之疑似溯深山千百

載上朝曦夕靄皆承

聖世之光華計寰宇億萬里中福地洞天曾見山靈之

踴躍臣等藝托操觚職承橐筆階前聚米精詳遜

三輔黃圖掌上觀紋淹博非九州要略夙陪豹尾

得縱觀于花香鳥語之間幸傍

龍墀敢抽思于赤管隄廩之次恭蒙

聖鑒得罄愚衷伏願

道尚觀文

心存無逸

欽定四庫全書

欽定盤山志
卷一

仁敷于周原禹服如璇樞之運乎八方

治洽于夏諺幽風得金鏡以臨乎千嶺將見出器車

得銀甕蓬山之佳氣彌新探玉策陳寶符宛委之

藏書日出矣謹將新纂盤山志卷首五卷一十有

六繕寫裝成二函謹奉

表隨

進以

聞

乾隆十九年十二月

經筵講官太子少保協辦大學士事務部尚書兼鑾儀衛經歷都尉留級臣蔣溥

經筵講官太子太傅工部尚書加一級軍功加二級臣汪由敦

工部右侍郎臣董邦彥

欽定四庫全書

欽定盤山志
卷二

欽定四庫全書

史部十一

欽定盤山志目錄

地理類六 山水之屬

卷首一

巡典

卷首二

天章一

卷首三

天章二

欽定四庫全書

欽定盤山志
目錄

卷首四

天章三

卷首五

天章四

卷之一

圖考一

卷之二

圖考二

卷之三

名勝一

卷之四

名勝二

卷之五

寺宇一

卷之六

寺宇二

欽定四庫全書

欽定盤山志
目錄

卷之七

流寓

卷之八

方外一

卷之九

方外二

卷之十

藝文一

御製詩 恭和

卷之十一

藝文二

卷之十二

藝文三

卷之十三

藝文四

卷之十四

藝文五

欽定四庫全書

卷之十五

物產

卷之十六

雜綴

臣等謹案盤山志二十一卷大學士蔣溥等

奉

勅撰盤山在薊州城北二十五里為漢末田疇隱

居之地五峰三盤林壑幽邃單椒秀澤雄甲

欽定盤山志
目錄

三

畿東自

聖祖仁皇帝四度臨幸

宸章題咏照燦巘阿然舊無山志青溝釋智朴始草

創成編詞旨冗蔓體例尚多未備我

皇上宸遊莅止靈境日開乾隆九年始

命發內帑建

靜寄山莊於山之陽天關名區全攬勝概歲春

秋有事於

欽定四庫全書

欽定盤山志
目錄

四

諸陵每駐蹕

行宮

幾餘靜憩智仁樂趣暢洽

宸襟山水效靈益增神秀乾隆十九年二月

上行幸山莊爰

命蔣溥汪由敦董邦達纂修新志溥等承

詔屬稿詳加哀輯分圖考名勝寺宇流寓方外藝

文物產雜綴八門釐為十六卷首冠以

巡典

天章五卷至十二月書成奉表恭進焉臣等敬繹
睿製旁考舊聞惟茲山之靚潤深奧足與嶽鎮競
秀而其名不大顯於前世以是知天地清淑
之氣扶輿磅礴固必待時而出以奉

大聖人泮奭之娛而

天筆昭回鏤巘耀谷品題甲乙榮幸無涯尤自古
所未有敬錄斯編亦以慶茲山之遭也乾隆

欽定四庫全書

山志

四十六年十二月恭校上

總纂官臣紀昀臣陸錫熊臣孫士毅

總校官臣陸費墀

欽定盤山志

凡例十六則

一盤山巨麗甲於畿輔歷代巡幸史冊志之我
朝為

盛京山海經由之道歲上

陵寢駐

蹕攬奇金榜璇題照耀於崇巖邃谷間宇內名嶽得
未曾有茲焉纂述首舉

欽定四庫全書

山志

行宮以統名勝視舊志僅以梵刹為主迴不侔矣

一名山標勝尤重篇章茲山自

聖祖屢臨大文炳煥

皇上御製富有日新真足苞蘊元精超越萬古敬謹編
載寵耀山靈而臣下扈從賡颺及山人墨客長吟
短咏有可採者並載入藝文至蒼厓巖壁之留題
佛廬古塏之遺碣言苟雅馴時無今昔舊志所編
是正是補刪繁滌陋允備大觀

一卷首備登

宸章凡摩崖勒石於各景及寺宇中者不復重見惟賜額對聯則分志於各類並垂永久

一圖志並稱所以備省覽也

行宮地居最勝模寫宜詳而山中一峯一水之奇務期刻畫無取髣髴凡得圖四十幅圖各為之說不惟為搜奇剔隱之資亦足為考古證今之助云

一田疇掃地入山風節炳朗第地處幽僻豈無高

欽定四庫全書

欽定四庫全書
凡例

人托跡行事不著載籍者如田盤先生之屬舊志直斥為誕妄過矣至近時人物或有足未履乎巖穴名偶涉於傳會者又不得不於博取中寓謹嚴也

一地名或彼此互見或今昔殊稱豪傑隱淪之蹟或時遠而論異皆當證諸史冊旁采記載以一參差臣等不揣固陋時附管見於各條下以謹按二字別之

一紺宇精藍同是山中福地舊志於寺院及菴分

門區類亦屬支離今彙歸為一惟今昔異名則特標今名分注舊名某寺若古中盤改為正法禪院

賜額仍書古中盤之類則以從今為復古至院宇改移

舊地者亦標明新址仍綴舊地以存考據

一寺院建置確有碑志可据者詳記源流其或山

僧野老耳食口傳他無徵信寧從疑闕

一盤山舊傳七十二名菴歷年久遠興廢不常其

欽定四庫全書

欽定四庫全書
凡例

間碑碣無存遺址莫訪正不必強求符合舊志舉傍近諸山寺院悉行收入殊為牽混宜從分別以求徵實

一有稱名鄙俚者悉行請

旨改正使幽厓古洞一洗塵凡

一諸古剎豐碑林立其有義無乖誣言稍典雅者俱為載入以標舉源流考證時代

一著作之專屬某寺某景者附於其下以便尋覽

若游歷題詠不專主一地者統載藝文此舊志例也仍之

一山中松石恠偉絕特域中罕覲舊志列名類叙多嫌簡略茲於最奇秀數種各加形容疏剔將靈姿詭貌開卷躍如俾曾遊者頓還舊觀未至者恍同身歷

一山中物產舊志頗為詳備然

聖世地產滋豐有昔日所無而於今蕃殖者敬為補入

欽定四庫全書

欽定盤山志
凡例

一舊志意廣卷帙翰簡畢登茲編體從紀勝務汰龐雜惟有關編纂者附數則於雜綴中

一志乘例載星土尾箕析木津也分野為幽燕漢以後天官家言紀度或異占宿不殊但所屬闊遠千里而遙非田盤一山所能專故不別立一門

欽定四庫全書

欽定盤山志卷首一

巡典

軒轅氏訪道以還數千百年間師征行狩蒞止崇椒史冊猶可考見

盛朝時邁之典動遵古義域中喬嶽巨鎮昔王肆覲會計之地

臨幸幾遍況盤山尤近屬畿甸哉考諸前代惟唐太宗

欽定四庫全書

欽定盤山志
卷首一

一駐其地遼會同統和金大定間曾兩至焉然貞觀以師行偶憩未有勝事可傳遼金雖遞經流覽而風雅闕如林壑之美抑而弗彰

國朝定鼎北平盤山為上

陵寢經由之道

聖祖仁皇帝嘉其山色秀潤始

命闢路以登

御筆宸章昭回雲漢我

皇上崇孝法

祖歲春秋有事於

諸陵懷巖阿之

遺製覽雲物之呈奇減衛輕輿至止尤數臣等伏念造化

清淑之氣蜿蜒扶輿磅礴鬱積必待至人而始畢

露其奇盤山為畿輔輿區自

本朝

聖聖相承來遊來歌而瓊偉絕特之觀遂甲於天下誠不

欽定四庫全書

欽定盤山志
卷首一

世之殊榮前古所未有也澗草巖花悉承

雨露山樵野衲親觀

光華隆軌昭於省方名山呈其靈秀扈從臣僚職當執

簡濡毫以志歲月

康熙十四年十月十三日

幸盤山諸寺皆

賜金

康熙十七年九月二十四日

幸盤山古中盤

御製詩一章復

賜匾額雲罩寺萬松寺咸蒙

聖藻題榜

康熙二十五年十二月一日

幸盤山盤谷寺

賜詩及

御書並勒石建亭

欽定四庫全書

欽定盤山志
卷首一

康熙四十三年三月十日

幸盤山盤谷寺有用智朴韻詩二首

乾隆四年九月十七日

幸盤山天成寺

乾隆七年九月十六日

幸盤山天成萬松盤谷雲罩諸寺

乾隆九年始

命建

靜寄山莊於山之陽

御筆標題各景中有遠宇曰

壽萱堂以為

皇太后臨幸憩息之所十月二十日奉

慈輦駐

行宮遍覽諸勝二十一日

駕至天香天成萬松盤谷東竺雲罩少林諸寺先是

發帑修建雲罩感化天香諸刹次第告竣

欽定四庫全書

欽定盤山志
卷一

乾隆十年二月十九日駐蹕

行宮二十日

駕至千相寺二十一日至天成寺萬松寺

敕修千相少林盤谷諸梵宇

乾隆十二年二月十四日駐蹕

行宮十五日

駕至感化天成萬松盤谷東竺雲罩等寺十六日至千

相寺十七日至古中盤少林寺是日

賜諸王大臣等宴侍臣能繪者被

旨圖寫內外各景至是成卷進呈

乙覽

乾隆十三年閏七月十九日駐蹕

行宮二十日

駕至天成寺千相寺二十二日至東竺菴少林等寺

乾隆十四年九月十七日塞上行圍旋

蹕奉

欽定四庫全書

欽定盤山志
卷一

皇太后

幸行宮

駕至天成萬松盤谷雲罩東竺雲淨少林等寺二十一

日至東甘澗古中盤

乾隆十五年八月二十二日奉

皇太后

幸行宮

駕至天成寺西甘澗東甘澗古中盤先後

敕修萬松中盤上方諸刹

乾隆十七年二月二十一日駐蹕

行宮

駕至東竺雲淨少林等寺十月二十八日

幸盤山行宮

乾隆十八年十月初五日塞上行圍旋

蹕奉

皇太后

欽定四庫全書

欽定盤山志
卷首一

六

幸行宮

駕至雲罩寺初八日至古中盤東甘澗西甘澗天成等

寺

乾隆十九年二月十八日駐蹕

行宮

命臣蔣溥汪由敦董邦達等纂修盤山新志臣等仰見

天筆詠題日星並耀

宸遊伴真歲月無疆幸常從左右史後素筆以紀盛事

馬

欽定四庫全書

欽定盤山志
卷首一

七

欽定盤山志卷首一

欽定四庫全書

欽定盤山志卷首二

天章一

徐無山色雄秀絕倫而紀勝標奇罕稱巨麗自

聖祖再三臨幸

皇上頻年駐蹕作為詩文精深博大足以涵納羣有陶
鑄萬象不斤斤為此山闕未有之奇而山之真面
目呈焉敬謹編緝冠首一書卿雲爛而虞絃陳岡

欽定四庫全書

欽定盤山志
卷首二

鳳鳴而周詩盛名山榮幸藝苑增光矣

聖祖仁皇帝御製詩

清晨入盤山二首

日出入盤山宸遊草木間村莊人盡望處處水潺潺
當年乘輦到今日復來游山水不同色泉聲還細流

盤山絕頂三首

上盤絕頂俯神京九日登山積翠晴荒寺日高人少至
野林烟靜鳥無聲道中勒馬觀風景澗下留鑾愛水清
縱目徘徊猶不盡氤氲縹緲海雲輕

欽定四庫全書

欽定盤山志
卷首二

四顧清標高逼天風雲塞上斂寒烟遙觀沙漠宣威遠
近控州城作鎮懸紫蓋山中獨奇秀雙峰嶺外更懸聯
九秋朗耀幾千里落葉蕭條滿目前
薄暮東風來返照游心怡曠動揮毫題詩數句林光晚
作賦初聯雁陣高盤道峻增難步躡危巖巖嶮恐身勞
欲歸帳殿還傳語引路山僧度遠皋

晚過李靖菴二首

兩崖石壁出秋雲野草寒林有鹿羣古剎斜陽人寂寂